

# Kutsõq konvõrendsile VÄIKUQ KEELEQ MITMÕKEELITSEN ÛTISKUNNAN



*Väikesed keeled mitmekeelses ühiskonnas*  
*Pienet kielet monikielisessa yhteiskunnassa*  
30.-31.10.2009 Võro Instituudin

Võro konvõrens käü riikevaihõliidsi kultuuri- ja keelekonvõrentse ritta, midä Võro Instituut ja Tartu Ülikuul ommaq kõrraldanuq 1996. aastagast pääle. Timahavvadsõ konvõrendsi teemas om "Väikuq keeleq mitmõkeelitsen ütiskunnan". Oodami konvõrendside ettekandit, kon kaias teemat sotsiolingvistiga, grammatiga vai keelefilosoofia nuka alt näütüses läbi järgmäidsi allteemadõ:

- väikeisi kiili grammatigaq, opimatõrjaaliq ja opikeskkunnaq;
- grammatikast keele loomussõni;
- mitmõkeeline ütiskund ja mitmõkõrralinõ hindätiidmine;
- väikuq keeleq ja mitmõkeelisüs meediän;
- keelemaastiguq (mitu kiilt avalikkõ silte ja tekste pääl jm);
- keelekultuuriq (monoglossia, heteroglossia).

**Konvõrendsi tüükeeleq** ommaq õdagumeresoomõ keeleq.

## Kirjäpandminõ ja muu konvõrendsiteedüs

Ku märgiti konvõrendsile tullaq, pallõmi är täütäq [kirjäpandmisleht](http://www.wi.ee/vr/konvõrents) aadrõsi pääl <http://www.wi.ee/vr/konvõrents> ja saataq tuu kõgõ ildampa 30. piimäkuu pääväs (30.06.2009) Võro Instituuti (e-post [wi@wi.werro.ee](mailto:wi@wi.werro.ee), faks +372 78 21315, postiaadrõs Tartu huulits 48, 65609 Võro liin).

**Ettekandidõ pikkus** om 20 minutit. Oodami ka sainaettekandit. Artiklis toimõndõduq ettekandõq retsenseeritäsõq ja andasõq vällä Võro Instituudi Toimõnduisi 2010. aastaga numbrin. Ku tahati ettekandõt pitäq, pallõmi üten kirjapandmisõga saataq uma jutu kokkovõtõq (kooni 200 sõnna) üten konvõrendsi tüükeelen.

Terve konvõrendsi **osavõtumass** om 450 kruuni (30 õurot), mink seen om õdagusüük ja lõunõsüük, kohvivaihõq, kultuuriprogramm ja konvõrendsi matõrjaaliq. Üte päävä osavõtumass om 250 kr (17 õurot).

Kirjäpandnuilt oodami osavõtumassu kõgõ ildampa 15. süüküskuu pääväs (15.09.2009) konto pääle 10220004799019 (EÜP), massu saajas pandaq Rahandusministeerium, lättenumbris 2100009815 ja seletüste Võro Instituudi konvõrents (SWIFT: EEUHEE2X, IBAN: EE 101010220004799019). Massa saõ õnnõ pangaülekanõdõga.

**Võrolõ sõitmisõ** kotsilõ või löüdäq teedüst Bussireise lehe päält <http://www.bussireisid.ee> ja **üümaja** kotsilõ Võro liina kodolehe päält <http://www.voru.ee/index.php?Menu=285&Lang=est>

**Konvõrendsi järgmäne teedüskiri** üten kavaga saadõtas kirjapandnuilõ lakja süüküskuun.

Küsümiisile vastas: Jüvä Sullõv, Võro Instituut, Tartu huulits 48, 65609 Võro liin, e-post: [wi@wi.werro.ee](mailto:wi@wi.werro.ee), mob +372 5554 3727, tel +372 78 21960.